



Estatutuak

Biltzar Nagusia 2009

Gasteiz 09/06/21



ESTATUTUAK

BILTZAR NAGUSIA 2009

Gasteiz 2009/06/21

EUSKO ALKARTASUNAREN ESTATUTUAK

ATARIKO ATALBURUA. XEDAPEN OROKORRAK	3
I. ATALBURUA. ALDERDIKIDEAK ETA ADISKIDEAK	5
I. ATALA. XEDAPEN OROKORRAK.....	5
II. ATALA. ADISKIDEAK	6
III. ATALA. ALDERDIKIDEAK.....	7
II. ATALBURUA. ALDERDIAREN LURRALDE ANTOLAMENDUA	10
I. ATALA. XEDAPEN OROKORRAK.....	10
II. ATALA. ORGANO NAZIONALAK	11
BILTZAR NAGUSIA.....	11
BATZAR NAGUSIA	14
EUSKADIKO BATZORDE ERAGILEA	18
BATZORDE IRAUNKORRA.....	20
IDAZKARITZA NAGUSIA.....	21
BERMAPIDE BATZORDEA	22
III. ATALA. HIRI ORGANOAK.....	23
HIRI BATZARRA	24
HIRI BATZORDE ERAGILEA	25
IV. ATALA. ESKUALDEKO ETA LURRALDEKO KOORDINAZIO ORGANOAK	28
ESKUALDEEN KOORDINAZIOA	28
LURRALDE BATZARRA	28
LURRALDEKO KOORDINAZIO BATZORDEA.....	30
V. ATALA. EA SAREAN.....	31

III. ATALBURUA.- KARGU PUBLIKOAK	32
IV. ATALBURUA. DIZIPLINA ERREGIMENA	34
V. ATALBURUA. GAZTE ABERTZALEAK	36
VI. ATALBURUA. FINANTZA GUTUNA	37
LEHEN XEDAPEN IRAGANKORRA.....	40
BIGARREN XEDAPEN IRAGANKORRA.....	40
HIRUGARREN XEDAPEN IRAGANKORRA.....	40
LAUGARREN XEDAPEN IRAGANKORRA.....	40
LEHEN XEDAPEN GEHIGARRIA.....	40
BIGARREN XEDAPEN GEHIGARRIA.....	40
HIRUGARREN XEDAPEN GEHIGARRIA.....	41
AZKEN XEDAPENEN ARTEAN LEHENA.....	41
AZKEN XEDAPENEN ARTEAN BIGARRENA.....	41
XEDAPEN INDARGABETZAILEA.....	41

ATARIKO ATALBURUA. XEDAPEN OROKORRAK

1. artikulua

EUSKO ALKARTASUNA (EA aurrerantzean) euskal esparru nazionaleko alderdi politiko sozialdemokrata da, eta Euskal Herriko lurralde-batasuna eta independentzia (Europar Batasunaren barruan Estatu propioa eraikita), eta gizarte justuagoa eta solidarioagoa lortzea du helburu.

EA alderdi abertzalea, demokratikoa, errepublikanoa, ezkertiar eraldatzailea eta ez-konfesionala da. Europak giza eskubideen, garapen iraunkorraren, gizarte-justiziaren eta bakearen aldeko jardunean duen tradizio aurrerakoian oinarrituta daude EAren teoria eta praktika.

2. artikulua

EAren hizkuntza ofiziala euskara da. Euskararen erabilera bultzatu eta bermatu egingo da beti, beste hizkuntza batzuk erabiltzeko aukera aparte utzi gabe, betiere egoera soziolinguistiko erreala kontuan hartuta.

Batzar Nagusiak hizkuntza normalizatzeko plan bat onartuko du. Plan horrek euskararen erabilera bultzatuko du Alderdiaren organoetan, eta kargu publikoak edo Alderdiko karguak eskuratzeko eskatu beharreko jakintza-maila arautuko du. Horretarako, adina eta eremu bakoitzeko errealitate soziolinguistikoa hartuko dira kontuan.

3. artikulua

Euskal Herriko lurralde osoan dago antolatuta EA. Euskal Herria osatzen duten lurraldeak honako hauek dira: ARABA, NAFARROA BEHEREA, BIZKAIA, GIPUZKOA, LAPURDI, NAFARROA GARAIA eta ZUBEROA.

Euskal Herritik kanpo, Diasporako euskal komunitateen jarduna bultzatuko du EAk. Erakunde horiek hiri-erakundeen maila organiko eta juridiko bera izango dute, arauz ezartzen den lotura-sistemari jarraiki.

4. artikulua

EA osatzen duten pertsonen jarduna –kanpokoa zein barrukoa– demokratikoa izango da, eta zintzotasunaren, ereduaren, elkartasunaren, berdintasunaren, zintzotasunaren eta errespetuaren printzipio etikoei jarraiki beteko da.

5. artikulua

EAKo pertsonen kudeaketa –kanpoko zein barrukoa– honako printzipio hauetan oinarrituta egongo da: konstantzia, motibazioa, pertsonetikiko hurbiltasuna eta komunikazioa, zorrotasuna, gardentasuna, parte-hartzea eta talde-lana.

6. artikulua

EAK nortasun juridiko propioa eta jarduteko ahalmen osoa du, eta Estatutu hauek eta Alderdiaren organoek beren eskumenen eremuan onartzen dituzten erregelamenduek arautzen dute EAren funtzionamendua.

I. ATALBURUA. ALDERDIKIDEAK ETA ADISKIDEAK

I. ATALA. XEDAPEN OROKORRAK.

7. artikulua

Alderdiaren jardueretan laguntzeko eta parte hartzeko borondatea agertzen duten, eta Alderdiaren oinarriko printzipioak, Estatutuak, erregelamenduak eta indarrean dauden gainerako dokumentuak onartzen dituzten 16 urtetik gorako pertsonak izan daitezke EAko alderdikide.

EAKo alderdikideak ezin izango dira beste alderdi politiko batean afiliatuta egon, Euskal Herritik kanpokoak diren eta hauteskundeetan EAekin lehiatzen ez diren kideko erakundeen kasuan izan ezik.

8. artikulua

Alderdikideek EAren helburu politikoekin bat datozen gizarte-mugimenduetan eta elkarte-sarean parte har dezaten bultzatuko da. Horretarako, herri eta lurralde bakoitzean eta Euskal Herri osoan beharrezkoak diren koordinazio-baliabideak izango ditu Alderdiak.

9. artikulua

Alderdiaren programa, erabakiak eta ebazpenak betetzen ez dituen, eta iritziak ardurarik gabe edo Alderdiarekiko leialtasunik gabe adierazten dituen alderdikideari zigorra ezarriko zaio, erregelamenduaren arabera izapideak egin ondoren eta organo eskudunen erabakiaren bidez. Zigorra Alderditik kanporatzea ere izan daiteke.

10. artikulua

Euskadiko Batzorde Eragilearen Antolakuntza, Finantza eta Hauteskunde Gaietarako Idazkaritza arduratuko da afiliazioari lotutako prozesuez eta zerrendez.

11. artikulua

Afiliatzeko eskaerak bideratzeko modua eta baldintzak, afiliazioaren jakinarazpenak, epeak eta ebazpena eman behar duen organoa erregelamenduaren arabera arautuko dira.

Afiliazioaren arloko ebazpenen aurkako errekurtsua jarri ahal izango da hamabost eguneko epean, Bermapide Batzordean idazki arrazoitu bat aurkeztuta, arauz ezarritako baldintzetan.

12. artikulua

Afiliatuta ez badaude ere EAren proiektu politikoarekin bat datozen eta proiektu hori zabaltzen laguntzen duten 16 urtetik gorako pertsonak izango dira EAren adiskideak. Adiskide gisa dagozkien eskubideak bermatzeko, beharrezkoak diren datu guztiak jarriko dituzte Alderdiaren esku.

13. artikulua

Adiskideen eskubideak honako hauek dira:

- a) EAren kanpoko proiektioarekin eta erakunde-jarduerarekin zerikusia duten gai guztiei buruzko informazioa jasotzea.
- b) Alderdiaren ildo politikoan eta programatikoan esku hartzea eta, horretarako, arauz ezarritako bideak erabiltzea.
- c) Alderdiak eskaintzen dituen zerbitzuetatik laguntza eta aholkuak jasotzea.
- d) Bermapide Batzordera jotzea, dituzten asmoak eta eskubideak behar bezala babesteko.
- e) Edozein batzarretara joatea, hitzik eta botorik gabe, betiere batzarrak berak baimena ematen badu. Salbuespen gisa, hitza izan dezakete erregelamenduan azaldutako kasu jakin batzuetan.
- f) Alderdiaren jardueretan eta helburuen lorpenean laguntzeko eta agintzen zaizkien zereginetan arrakasta bermatzeko prestakuntza politikoa edota teknikoa jasotzea.
- g) Hiri Batzorde Eragileek antolatzen dituzten parte hartzeko prozesu guztietan parte hartzea, eta Hiri Batzorde Eragileek sortutako batzorde sektorialetan sartzea. Horretarako, beharrezkoa izango da Hiri Batzorde Eragileari eskaera egitea, eta hark onartzea.
- h) EAren organoei galderak, proposamenak, alegazioak, kexak eta iradokizunak aurkeztea (betiere indarrean dauden Estatutuetan araututakoari eta onartutako beste erregelamendu batzuei jarraiki), eta erantzuna jasotzea.
- i) Arauz ezartzen bada, Adiskidearen Txartela eta, behar izanez gero, indarrean dauden Estatutuen eta horiek garatzen dituzten beste erregelamendu batzuen ale bana jasotzea.
- j) Alderdiaren kanpoko karguak eta izendapen askeko karguak betetzeko aukeratuak izatea.
- k) Beren datuen konfidentziasuna errespetatzea, eta datu horiek alderdiaren funtzioetarako baino ez erabiltzea.

l) Alderdikide izatea, dagokion Hiri Erakundeari eskaera egin ondoren.

14. artikulua

Adiskideen betebeharrak honako hauek dira:

- a) Alderdiaren ideologia eta hartutako erabakiak, arauak eta programak onartzea.
- b) Alderdiaren hautagaiei botoa ematea.
- c) Organo eskudunek beren arauzko jardueraren esparruan eta beharrezkoak diren formalitateekin ematen dituzten ebazpenak ontzat hartzea.
- d) Beren eskubideak erabiltzean eskuragarri duten informazio pribilegiatua oker ez erabiltzea.
- e) Gainerako alderdikideak errespetatzeko jokabidea agertzea.
- f) EAz bestelako ezein erakunde politikotan afiliatuta ez egotea, Estatutu hauen 7. artikuluan jasotakoari jarraiki.
- g) Parte hartzeko prozesu guztietan eta kide diren batzorde sektorialetan EArekin zintzo jardutea.

15. artikulua

EAK hartzen eta egiten dituen erabakien, ebazpenen eta jardueren aurka jardunez gero, eta aurreko artikuluan ezarritako betebeharrak bete ezean, adiskide-izaera galdu egingo da.

Adiskide-izaerari lotutako ebazpenen aurkako errekurtsua jarri ahal izango da hamabost eguneko epean, Bermapide Batzordean idazki arrazoitu bat aurkeztuta, arauz ezarritako baldintzetan.

III. ATALA. ALDERDIKIDEAK

16. artikulua

EArekiko konpromiso eta lankidetzat handiagoa nahi duten pertsonak izango dira alderdikide.

Alderdiko adiskideek alderdikide izateko eskaera egin ahal izango dute noiznahi.

17. artikulua

Alderdikideek, 13. artikuluan zerrendatutakoez gain, honako eskubide hauek izango dituzte:

- a) Alderdiaren bizitzan parte hartzea eta, horretarako, beren erakundeetan eztabaidatzea eta botoa ematea.
- b) Norberaren eta besteen iritzi politikoen inguruan eztabaidatzeko eta kritika egiteko eskubidea erabiltzea eta, horretarako, iritziak Alderdiaren barneko adierazpen-bideen barruan hitzez zein idatziz adierazteko askatasuna izatea.
- c) Alderdiaren barneko karguak hautatzea eta kargu horietarako hautatuak izatea (onarpena jaso ondoren). Emakumeen eta gizonen artean, eta adin desberdineko alderdikideen artean oreka lortzen saiatu beharko da. Ez da inor diskriminatuko sexuagatik, arrazagatik, adinagatik edo erlijioagatik. Eskubide hori erabiltzeko, beharrezko baldintza izango da kotizazioa egunean izatea.
- d) Hautatuen eta arduradunen kontrol politikoa gauzatzea, egiazko informazioari, pertsonetikiko errespetuari eta arauz ezarritako lekuari eta denborari jarraiki.
- e) Alderditik aholkularitza juridikoa, kanpoko babes (bidegabeko erasoen aurrean) eta barneko babes jasotzea, betiere organo eskudunen jardun inpartzialaren eta zuzenaren bidez.
- f) Erakundearen baliabide materialak eta giza baliabideak erabiltzea betebeharrak betetzeko eta eskubideak erabiltzeko, betiere dagokion instantziaren organo betearazleen baimena lortuz gero.

18. artikulua

Alderdikideek, 14. artikuluan zerrendatutakoez gain, honako betebeharrak hauek izango dituzte:

- a) Euskara ikastea eta erabiltzea.
- b) Alderdiari ekonomikoki laguntzea eta, horretarako, arauz ezarritako kuota banku-helbideratzearen bidez ordaintzea.
- c) EAK bizitza organikoaren eta politikoaren barruan antolatzen dituen egintzetara, eta, bereziki, Alderdiaren organoen bileretara joatea (organo horietarako esanbidez izendatuak izan badira).
- d) Adostasuna eman ondoren organo eskudunek esleitzen dizkieten zereginetan laguntzea eta jardutea, agertzen duten prestasunaren eta dituzten gaitasunen arabera.
- e) Ezartzen diren bideak erabiliz, Alderdiaren barruan betetzen dituzten zereginei buruz duten informazio guztia igortzea.

- f) Hauteskunde-prozesuetan kontu-hartzailea edo ahalduna izatea.
- g) Norberaren iritzi politikoaren inguruan eztabaidatzeko eta kritika egiteko eskubidea erabiltzea eta, horretarako, Alderdiaren barneko adierazpen-bideetara jotzea.

19. artikulua

Hamabi hilabeteko kotizazioa zor denean (ordaintzeko idatzizko errekerimendua egin ondoren), alderdikide-izaera galdu egingo da, kotizatu ez izanaren arrazoi langabezia-egoera edo ezinbesteko arrazoi bat izan dela justifikatzen denean izan ezik.

II. ATALBURUA. ALDERDIAREN LURRALDE ANTOLAMENDUA

I. ATALA. XEDAPEN OROKORRAK

20. artikulua

EA hiri-erakundeetan egituratuta dago. Halaber, lurralde-eremuko egitura bat du, ekintza politikoa koordinatzeko. Egitura horretan, lurralde bakoitzeko eskualdeak daude ordezkaturak.

Horrela, beraz, hiriko, eskualdeko, lurraldeko eta nazioko eremuetan antolatuta dago EA.

21. artikulua

Eremu nazionaleko organoak honako hauek dira:

- a) Biltzar Nagusia
- b) Batzar Nagusia
- c) Euskadiko Batzorde Eragilea
- d) Batzorde Iraunkorra
- e) Idazkaritza Nagusia
- f) Bermapide Batzordea

22. artikulua

Hiri-eremuko organoak honako hauek dira:

- a) Hiri Batzarra
- b) Hiri Batzorde Eragilea
- c) Alkartetxeko Batzordeak

23. artikulua

Lurralde-eremuko organoak honako hauek dira:

- a) Lurralde Batzarra
- b) Lurraldeko Koordinazio Batzordea

24. artikulua

EA Sarean elkarteak informazioaren gizartearen eta teknologia berrien eremuan diharduten alderdikideak biltzen ditu.

25. artikulua

Euskal Herriko eskualdeak Alderdiaren antolaketan ordezkaturata egongo dira, eta Lurraldeko Koordinazio Batzordea osatuko dute, Estatutu hauetan eta garapen-araudian ezarritako baldintzetan.

26. artikulua

Alderdiaren ideologia hobeto zabaltzeko, Alkartetxeak Euskal Herritik kanpo ere sortu ahal izango dira. Horien antolamendu-egitura erregelamenduaren arabera arautuko da.

27. artikulua

Alkartetxeko Batzar eratuak dituzten, baina lokalik gabe dauden Hiri Erakundeetan, Alderdiak udalerrian dituen lokalak erabili ahal izango dituzte alderdikideek, arauz ezarritako prozedurari jarraiki.

II. ATALA. ORGANO NAZIONALAK

BILTZAR NAGUSIA

28. artikulua

EAKo alderdikideek ordezkatuak izateko, parte hartzeko eta erabakitzeko duten organo gorena da Biltzar Nagusia.

29. artikulua

Biltzar Nagusia ohikoa edo ezohikoa izan daiteke.

30. artikulua

Ohiko Biltzar Nagusia lau urtean behin egingo da.

Deialdia Batzar Nagusiak egingo du, Euskadiko Batzorde Eragileak proposatuta. Deialdia hiru hilabete lehenago egin beharko da gutxienez, gai-zerrenda eta aztertu beharreko gaien azalpen-memoria adierazita.

Aurrekoa gorabehera, Batzar Nagusiak gehienez ere sei hilabetez atzeratu ahal izango du Ohiko Biltzar Nagusirako deialdia, betiere Euskadiko Batzorde Eragileak proposatuta eta aldi horretan hauteskundeak badaude.

Ohiko Biltzar Nagusirako deialdia, gai-zerrendaren proposamenarekin eta eztabaidatu beharreko dokumentuekin edo txostenekin batera, alderdikide guztiei igorriko zaie bi hilabete lehenago gutxienez. Biltzarreko dokumentuak hiri-erakunde guztiei eta eskatzen dituzten alderdikideei bidaliko zaizkie, Euskadiko Batzorde Eragileak aldeztatik aurretik eztabaidatu ondoren eta hark finkatzen duen moduan.

Biltzar Nagusia, Mahaia osatzen den arte, Prestaketa Batzorde batek prestatu eta zuzenduko du. Prestaketa Batzordea Batzar Nagusiak izendatuko du Euskadiko Batzorde Eragileak proposatuta, deialdia egiteko unean.

31. artikulua

Ezohiko Biltzar Nagusirako deialdia Batzar Nagusiak egingo du, eta honako kasu hauetan egingo da:

- a) Biltzarraren beraren ekimenez, Batzar Nagusiaren bi herenek erabaki ondoren.
- b) Eskaera egiteko garaian alderdikideen laurdenek Euskadiko Batzorde Eragileari eskaera arrazoitua egiten diotenean.
- c) Euskadiko Batzorde Eragilearen bi herenek eskatzen dutenean.

Ezohiko Biltzar Nagusia Batzar Nagusiaren Mahaiak eskaera jaso (artikulu honetan araututako kasuen barruan) eta bi hilabeteko epearen barruan egingo da.

32. artikulua

Biltzar Nagusia hiri-erakundeek aukeratutako alderdikide guztiek osatzen dute, alderdikide kopuruaren proportzioan. Horretarako, alderdikideek egunean –edo arauz salbuetsita– izan beharko dute kuoten ordainketa, eta ahalmen politiko osoa izan beharko dute, Antolaketa Erregelamendu Nazionalari jarraiki. Era berean, hiri-erakunde bakoitzari gutxienez konpromisario bat bermatuko zaio.

Halaber, Batzar Nagusiko, Euskadiko Batzorde Eragileko, Lurraldeko Koordinazio Batzordeetako eta Bermapide Batzordeko kideek eta lurraldez gaindiko edo, hala badagokio, Autonomia Erkidegoko hautetsiek Biltzarra osatuko dute.

Aurreko paragrafoan ezarritakoa gorabehera, hiri-erakundeek aukeratutako biltzarkideek baino ez dute izango botoa emateko eskubidea.

Konpromisario bakoitzak boto bat izango du.

Halaber, dagokien Hiri Erakundeko eta Hiri Batzarreko txostenetarako zuzenketak aurkeztu dituzten, baina Erakundean konpromisario izendatzea lortu ez duten pertsonak Biltzarrera joan ahal izango dira, hitzarekin, baina botorik gabe.

Biltzarreko kideak aukeratzeko, arauz ezarritako zerrenda irekien sistemari jarraituko zaio.

33. artikulua

Biltzar Nagusiaren eskumenak honako hauek dira:

- a) Estatutuak onartzea eta berritzea.
- b) Alderdiaren ildo politikoa finkatzea eta, horretarako, helburuak eta estrategiak ezartzea eta eguneratzea.
- c) Batzar Nagusiko kideak aukeratzeko (75 kide).
- d) Euskadiko Batzorde Eragileko idazkari nagusia eta gainerako kideak aukeratzeko.
- e) Bermapide Batzordeko kideak aukeratzeko (hiru kide).
- f) Euskadiko Batzorde Eragilearen eta Idazkaritza Nagusiaren kudeaketa – Biltzar batetik bestera egina– onartzea edo baztertzea.
- g) Alderdiaren desegitea erabakitzea.

Antolaketa Erregelamendu Nazionalen, artikuluko honen d) eta e) letretan adierazitako aukeraketa-prozesuetarako baldintzak eta mugak ezarri ahal izango dira.

34. artikulua

Batzar Nagusiko kideak aukeratzeko, zerrenda irekien sistemari jarraituko zaio.

Horretarako, ezin izango zaio botoa eman aukeratu beharreko kideen % 80ri baino gehiagori.

Ohiko Biltzarrean aukeratu beharreko Euskadiko Batzorde Eragileko kideak zerrenda irekien sistemaren bidez aukeratu dituzte.

Bermapide Batzordeko kideak sistema berarekin aukeratu dituzte, bozketa bereizi batean.

Hautetsiek, izendatuak izateko, konpromisarioen botoen % 10 lortu beharko dute gutxienez.

Ohiko Biltzarrak aukeratutako organoen karguetan geratzen diren plaza hutsen ordezkapena (baita Biltzarrak izendatutako Batzar Nagusiko kideen kasuan ere) Biltzar batetik bestera egingo da, Batzar Nagusiak egindako aukeraketaren bidez, Idazkaritza Nagusiaren kasuan izan ezik. Kasu horretan, beste Biltzar Nagusi baterako deialdia egin beharko da; nolana ere, jarduneko idazkari nagusi bat izendatu ahal izango da.

35. artikulua

Biltzar Nagusiaren erabakiak gehiengo soilez hartuko dira, gehiengo absolutua eskatzen duen Estatutuen onarpenaren, eta bi herenen gehiengo eskatzen duen Alderdiaren desegitearen kasuan izan ezik.

BATZAR NAGUSIA

36. artikulua

Batzar Nagusia Alderdiaren organo gorena da Biltzar batetik besterako tartean. Biltzar Nagusiaren erabakiak betetzen direla zaindu, eta Alderdia zuzentzen du, Biltzarrak eskuordetuta.

Batzar Nagusiak uneko inguruabarretara egokituko du Alderdiaren ildo politikoa, eta, horretarako, hauteskunde-programen oinarritzko jarraibideak onartu eta Alderdiaren gobernu-organoak eta kargu publikoak kontrolatuko ditu.

Era berean, Batzar Nagusiak, bere eskumenen esparruan, batzorde sektorialen bitartez jardun ahal izango du. Horretarako, batzorde horien eraketa eta erabakiak onartu, eta horien bidezko jarraipena egingo du.

37. artikulua

Batzar Nagusia osatzen dutenak honako hauek dira:

- a) Biltzar Nagusiak izendatutako 75 kide.
- b) Gutxienez 40 alderdikide dituzten hiri-erakundeetako koordinatzaileak. Gainera, 40 alderdikide baino gehiago dituzten hiri-erakundeek beste ordezkari bat izendatuko dute 40ko kopurutik aurrerako ehun kideko. Bestalde, alderdikide gutxiago dituzten hiri-erakundeen ordezkariak ahalbidezko, estatutuekin eraturako hiri-erakundeen taldeak osatu ahal izango dira, betiere Euskadiko Batzorde Eragileak baimena eman ondoren. Dena dela, eskualde desberdinetako hiri-erakundeek ezin izango dituzte taldeak eratu.
- c) Euskadiko Batzorde Eragileko eta Lurraldeko Koordinazio Batzordeetako kideak.
- d) Bermapide Batzordeko kideak.
- e) Lurraldez gaindiko eta, hala badagokio, Autonomia Erkidegoko hautetsiak.
- f) 40 alderdikide baino gutxiago dituzten hiri-erakundeetako koordinatzaileak.
- g) Gazte Abertzaleak erakundearen Euskadiko Batzorde Eragilea

38. artikulua

Batzar Nagusian, aurreko artikulua a) eta b) idatz-zatietan aipatutako kideek baino ez dute izango botoa emateko eskubidea.

Erabakiak gehiengo soilarekin hartuko dira, Estatutu hauek gehiengo kualifikatuak ezartzen dituzten kasuan izan ezik.

Batzar Nagusiaren funtzionamendua eta bateraezintasunen erregimena arauz ezarriko dira.

39. artikulua

Batzar Nagusiaren ahalmenak honako hauek dira:

- a) Biltzar Nagusiaren erabakiak betetzen direla zaintzea.
- b) Alderdiaren politika orokorra kontrolatzea eta bultzatzea.
- c) Ohiko edo Ezohiko Biltzar Nagusirako deialdia egitea, eta horretarako konpromisarioen guztizko kopurua finkatzea.
- d) Alderdiaren aurrekontuak, aurrekontu horien egikaritzea, Urteko Kontuak eta Kudeaketa Plana onartzea.
- e) Idazkaritzen eta, hala badagokio, sortzen diren idazkariordetzen organigrama onartzea.
- f) Plaza hutsen eta dimisioen kasuan, Euskadiko Batzorde Eragileko eta Batzorde Iraunkorreko kideak aukeratzea, betiere Estatutu hauei jarraiki.
- g) Euskadiko Batzorde Eragilearen, Batzorde Iraunkorraren eta Alderdiko kargu publiko ooren kudeaketa eskatzea, onartzea edo baztertzea.
- h) Hauteskunde-programak onartzea, eta Batzorde sektorialen edo hiri-batzordeen bitartez horiek lantzen parte hartzea.
- i) Estatutu hauetan araututakoaren esparruan, hurrengo hauteskundeetarako hauteskunde-zerrendak onartzea, Alderdiaren organoek proposatuta:
 - Europako Parlamenturako hauteskunde-zerrendak, Euskadiko Batzorde Eragileak proposatuta.
 - Espainiako Diputatuen Kongresurako eta Senaturako, eta Frantziako Asanblea Nazionalerako hauteskunde-zerrendak, Euskadiko Batzorde Eragileak proposatuta.
 - Eusko Legebiltzarrerako, Nafarroako Foru Legebiltzarrerako eta Batzar Nagusietarako zerrendak eta EAK erakunde horietan izango dituen bozeramaileak, Euskadiko Batzorde Eragileak proposatuta eta Lurraldeko Koordinazio Batzordeei entzun ondoren.

- Hiriburu eta Udaletarako zerrendaburuak eta Alderdiak erakunde horietan izango dituen bozeramaileak, Euskadiko Batzorde Eragileak proposatuta eta Hiri Batzarrei entzun ondoren.

Halaber, Batzar Nagusiak hiri-eremuko hauteskunde-zerrendak berretsi beharko ditu, Hiri Batzarrek proposatuta.

- j) Euskadiko Batzorde Eragileak proposatuta, Eusko Jaurlaritzaren, Nafarroako Foru Gobernuaren, Pirinio Atlantikoetako Kontseilu Nagusiaren eta Akitaniako Kontseilu Nagusiaren Saitetako, Sailburuordetzeko, Zuzendaritzeko, Aholkularitzeko edo horien parteko karguetako titularren, eta Foru Aldundietako eta Batzar Nagusietako homologoen izendapena eta kargu-uztea onartzea. Lurralde-eremuko erakundeetako izendapenen eta kargu-uzteen kasuan, Euskadiko Batzorde Eragileak Lurralde Batzordeei entzun ondoren egingo du proposamena.
- k) Alderdiaren edozein organok sustatutako itunak (hauteskundeen aurrekoak edo ondorengoak, nazio-eremukoak eta lurralde-eremukoak) bi herenen gehiengo kalifikatuarekin onartzea.
- l) Biltzarrak aukeratutako kideek Bermapide Batzordean eta Batzar Nagusian utzitako postu hutsen ordezkapena (aukeraketa bidez egindakoa) onartzea.
- m) Alderdikideen zerrenda bakarra urtean behin onartzea, Euskadiko Batzorde Eragileak proposatuta.
- n) Alderdiaren edozein organok aukeratutako kargu publikoak baliogabetzea, Euskadiko Batzorde Eragileak edo Batzar Nagusiko kideen herenek proposatu ondoren.
- o) Euskadiko Batzorde Eragileak eta Batzorde Iraunkorrak beren eskumenen eremuan Batzar Nagusiaren esku uzten dituzten gai guztiak ebaztea.
- p) Erabaki arrazoitu bidez, salbuespen gisa eta Euskadiko Batzorde Eragilearen proposamenez, Hiri Batzorde Eragileak edota Lurraldeko Koordinazio Batzordeak desagitea, betiere larritasun bereziko kasuetan. Nolanahi ere, Hiriko edota Lurraldeko Kudeaketa Batzorde bat izendatuko da aldi baterako. Kudeaketa Batzorde horrek Hiri Batzarrerako edota Lurralde Batzarrerako deialdia egin beharko du hiru hilabeteko epean, Hiri Batzorde Eragile edota Lurralde Batzorde Eragile berria izendatzeko, eta Batzorde Eragile horri dagozkion funtzio guztiak hartuko ditu bere gain aldi baterako, Alderdiaren jarraibideak betetzen ez direnean (hala nola Estatutu hauek, Biltzarraren ebazpenak edo Batzar Nagusiaren erabakiak).
- q) Kudeaketa Batzorde bat izendatzea Euskadiko Batzorde Eragileak batera dimititzen duen kasurako, Biltzar Nagusi batean berria izendatu arte.
- r) Biltzar Nagusiak eskuordetzen dizkion ahalmenak erabiltzea.

s) Estatutu hauek garatzen dituzten arauak onartzea.

40. artikulua

Batzar Nagusia eratzeko bilera Biltzar Nagusia amaitu eta 30-45 egunetara egingo da. Pertsonarik zaharrenak eta bi gazteenek osatuko duten Adin Mahaiak zuzenduko du bilera hasieran. Lehenik eta behin, Batzar Nagusiaren Mahaia aukeratuko da. Mahaia Lehendakaritzak, Lehendakariordetzak eta Idazkaritzak osatuko dute. Batzar Nagusiaren Lehendakaritza gehiengo absolutuz aukeratuko da lehen bozketan, edo gehiengo soiluz hurrengo bozketan. Lehendakariordetza eta Idazkaritza aukeratzeko, nahikoa izango da gehiengo sinplea.

Batzar Nagusiaren Mahaia aukeratu ondoren, eta Euskadiko Batzorde Eragileak proposatuta, Idazkariordetzen organigrama eta adskripzioa aurkeztuko da, eztabaidatzeko eta, hala badagokio, onartzeko.

Ohiko Batzar Nagusia gutxienez lau aldiz bilduko da urtean, eta Ezohiko Batzar Nagusia, berriz, Batzorde Iraunkorrek, Euskadiko Batzorde Eragileak, alderdikideen ehuneko hamabostek edo hitza eta botoa duten kideen herenek eskatzen dutenean bilduko da.

Deialdiaren eta Batzar Nagusiaren artean, gutxienez zazpi egun natural eta gehienez hogeita hamar igaroko dira, aparteko larrialdi- eta premia-egoeraren kasuan izan ezik. Egoera hori, nolana ere, bilkuraren hasieran boto-emaileen gehiengo soilak hartu beharreko erabakiaren bidez onartu beharko da.

Deialdian, gai-zerrenda zehaztu beharko da, eta aztertu beharreko gaiak eta deialdiaren arrazoiak azalduko dituen memoria bat erantsi.

41. artikulua

Euskadiko Batzorde Eragilea organo gorena da Biltzar Nagusia edo Batzar Nagusia bilduta ez dagoenean, eta Estatutuetan eta organo horiek eskuordetuta esleitutako funtzio betearazleak eta kontrol-funtzioak beteko ditu.

Zehazkiago, honako hauek dira Euskadiko Batzorde Betearazlearen eskumenak:

- a) Alderdiaren jarduera guztiak koordinatzea eta Alderdiaren erabakiak eta Biltzar Nagusiak eta Batzar Nagusiak hartutakoak bete daitezzen errazteko beharrezkoak diren neurriak hartzea, Estatutuei jarraiki beste organo batzuek dituzten eskumenak aparte utzi gabe.
- b) Biltzar Nagusien txostenak egitea, eta Batzar Nagusian hauteskunde-programak lantzeko parte-hartzean oinarritutako lanen hasiera bultzatzea.
- c) Estatutu hauen esparruan, hauteskunde-zerrendak, kargu publikoen izendapenak eta, hala badagokio, horien baliogabetzeak proposatzea, Batzar Nagusiak onar ditzan, betiere hautagaiak aukeratzeko kontuan hartutako irizpide profesionalak edo politikoak azaldu ondoren.
- d) Bere eskumenen esparruan, beste talde politiko eta sozial batzuekin harremanak izatea.
- e) Gertaera politikoak ebaluatzea eta, ildo horretan, herritarren kezkei eta eskariei erantzuteko neurriak proposatzea eta neurri horiek gure ordezkari politikoek erakundeetan egin beharreko jardunarekin koordinatzea.
- f) Alderdiaren aurrekontuak, aurrekontu horien egikaritzea, Urteko Kontuak eta Kudeaketa Plana proposatzea, Batzar Nagusiak onar ditzan.
- g) Alderdia organismoetan, erakundeetan, korporazioetan, sozietate publikoetan, erakundeek partaidetutako sozietateetan, komunikabide orotan eta eztabaida sozialeko eta politikoko foroetan ordezkatuko duten pertsonen izendapena onartzea, eta lurralde-eremuan ordezkari horiek izendatzean sortzen diren desadostasun guztiak konpontzea, eremu horretako erakundeek eskatuta. Kudeaketaren kontuak emateko egiten den Batzar Nagusiari izendapen horien eta izendapen horiek bultzatu dituzten irizpideen berri emango zaio.
- h) Aurreko idatz-zatian adierazitako ordezkarien jardunaren jarraipena egitea eta, ildo horretan, jarduna finkatutako jarraibideetara eta helburuetara egokitzeko erabakiak aztertzea eta, hala badagokio, hartzea.

- i) Diziplina-espedienteak ofizioz edo alde batek eskatuta irekitzea eta ebaztea, Eskubideen, Betebeharren eta Diziplina Prozeduraren Erregelamenduan aurreikusitakoari jarraiki.
- j) Estatutuek eta beste barne-arau batzuek esleitzen dizkioten gainerakoak, eta Batzar Nagusiak esanbidez agintzen dizkionak.
- k) Alderdiaren lau urterako Plan Estrategikoa lantzea. Plan horretan, Alderdiaren helburu estrategikoak, helburu horiek lortzeko beharrezkoak diren baliabideak eta egikaritzeko epeak zehaztuko dira. Plan hori Batzar Nagusiak onartu beharko du.
- l) Hiri-eremuko hauteskunderen ondorengo itunak berrestea.

42. artikulua

Euskadiko Batzorde Eragilea idazkari nagusiak eta Biltzar Nagusian aukeratutako honako hauek osatuko dute:

- Antolakuntza, Finantza eta Hauteskunde Gaietarako Idazkaritzak.
- Erakundeen Arloko Politika Idazkaritzak.
- Komunikazio eta Marketing Idazkaritzak.
- Erregimen Juridiko, Ikasketa eta Formakuntza Idazkaritzak.
- Gizarte Politikako Idazkaritzak.
- Ekonomia eta Zerga Politikarako Idazkaritzak.
- Euskara, Kultura eta Hezkuntza Idazkaritzak.
- Ingurumen Idazkariak.
- Nazioarteko Politika Idazkaritzak.

Adierazitako idazkaritzen funtzioak arauz garatuko dira.

Halaber, lurralde-idazkariak eta Gazte Abertzaleak-eko koordinatzailea Euskadiko Batzorde Eragileko berezko kide izango dira.

Bestalde, EAn afiliatutako honako kargu publiko hauek ere Euskadiko Batzorde Eragileko kide izango dira, hitzarekin, baina botorik gabe:

- Eusko Jaurlaritzako lehendakaria, edo sailburu bat.
- Nafarroako Foru Gobernuako presidentea, edo kontseilari bat.
- Pirinio Atlantikoetako Kontseilu Nagusiko presidentea, edo kontseilari bat.

- Europako Parlamentuko, Espainiako Kongresuko eta Senatuko, Eusko Legebiltzarreko, Nafarroako Foru Parlamentuko eta Frantziako Asanblea Nazionaleko bozeramaileak.
- Akitaniako Kontseilu Nagusiko, EUDELeke eta Nafarroako Udalerri eta Kontzejuen Federazioko presidentek, edo erakunde horietako bakoitzeko kide bat.

43. artikulua

Euskadiko Batzorde Eragileak Idazkaritza bakoitzaren eta, hala badagokio, horiei atxikitako Idazkariordetzen organigrama, funtzioak eta helburu programatikoak aurkeztu beharko dizkio Batzar Nagusiari, eta hark onartu egin beharko ditu Estatutu hauetan araututako baldintzetan.

Idazkaritza eta Idazkariordetza bakoitzaren esparruan edo Batzar Nagusiaren beraren ekimenez, batzorde sektorial iraunkorrak eta txosten edo lantalde puntualagoak sortu ahal izango dira.

Era berean, Idazkaritza bakoitzeko titularrak beren funtzioen garapenaren, eta helburu programatikoaren betetze-mailaren berri eman beharko dio Batzar Nagusiari, urtean behin gutxienez.

44. artikulua

Euskadiko Batzorde Eragilerako deialdia idazkari nagusiak egingo du, eta hark berak zuzenduko du. Halaber, deialdia kideen gehiengo absolutuak eskatuta egin ahal izango da.

Eztabaidak sekretuak izango dira, eta erabakiak modu solidarioan onartuko dituzte kideek.

BATZORDE IRAUNKORRA

45. artikulua

Euskadiko Batzorde Eragilearen barruan eta haren jarraibideen arabera, Alderdia kudeatzeko Batzorde Iraunkor bat eratu da. Batzorde hori osatzen dutenak honako hauek dira: Idazkaritza Nagusia, Antolakuntza, Finantza eta Hauteskunde Gaietarako Idazkaritza, Erakundearen Arloko Politika Idazkaritza eta Komunikazio eta Marketing Idazkaritza.

46. artikulua

Batzorde Iraunkorraren funtzioak honako hauek dira:

- a) Alderdiaren eta haren ordezkarien jarduera politikoaren eta erakunde-jardueraren jarraipena eta kontrola egitea.
- b) Alderdia eta haren ondarea kudeatzea.
- c) Alderdiko langileak zuzentzea.
- d) Alderdikideen eta adiskideen zerrenda eta haren gorabeherak kontrolatzea.
- e) Antolaketa Erregelamendu Nazionalak, Euskadiko Batzorde Eragileak edo Batzar Nagusiak agintzen dizkion guztiak.

47. artikulua

Batzorde Iraunkorra berak erabakitzen duen maiztasunarekin bilduko da.

Batzorde Iraunkorraren erabakiak bertaratutako kideen gehiengo soilez hartuko dira. Berdinketarik izanez gero, idazkari nagusiak kalitateko botoa izango du.

Batzorde Iraunkorrek hartutako erabakiak Euskadiko Batzorde Eragileari jakinaraziko zaizkio.

IDAZKARITZA NAGUSIA

48. artikulua

Idazkaritza Nagusiak Alderdiaren ordezkaritza politiko eta erakunde-ordezkaritza goren du, eta Alderdiaren funtzionamendu egokia zaintzen du. Halaber, organo nazional guztiak koordinatzen ditu, eta Biltzar Nagusiaren, Batzar Nagusiaren, Euskadiko Batzorde Eragilearen eta Batzorde Iraunkorraren erabakien betearazpena agintzen du.

Idazkaritza Nagusiak kalitateko botoa du Euskadiko Batzorde Eragilean eta Batzorde Iraunkorrean, eta bi organo horiek zuzentzen ditu. Horrez gain, hasiera ematen die Biltzar Nagusiei eta Batzar Nagusiei.

49. artikulua

Idazkari nagusiak Alderdiaren legezko ordezkaritza du, eta ahalmen osoa du Alderdiaren izenean kontratatzeko eta zuzenbidean onartutako edozein titulu bidez eta edozein modutan balioztatzeko.

Halaber, Alderdiaren administrazioaren funtzionamendu egokirako komenigarritzat hartzen dituen ahalordetze orokorrak edo bereziak eman ahal izango ditu.

Aurreko guztia Euskadiko Batzorde Eragileari jakinarazi beharko zaio aurrez, larrialdi-arrazoien kasuan izan ezik.

Idazkaritza Nagusiak bere kudeaketaren kontuak eman beharko dizkio Batzar Nagusiari.

50. artikulua

Idazkari nagusiaren dimisioaren, ezintasunaren edo heriotzaren kasuan, Batzar Nagusiak behin-behineko Idazkariordetza Nagusi bat aukeratuko du. Sei hilabeteko gehieneko epean, Ezohiko Biltzarrerako deialdia egingo da, Idazkaritza Nagusi berria izendatzeko.

51. artikulua

Idazkari nagusia Euskadiko Batzorde Eragilearen eta Batzorde Iraunkorraren erabakiak betearazteaz arduratuko da. Halaber, Euskadiko Batzorde Eragilearen arloak koordinatu, eta nazio-eremuan hartutako erabakien fedemateko zereginak beteko ditu.

BERMAPIDE BATZORDEA

52. artikulua

Bermapide Batzordea kide anitzeko organoa da, eta Biltzar Nagusiak aukeratutako hiru kidez osatuta dago.

53. artikulua

Bermapide Batzordeak honako funtzio hauek betetzen ditu:

- a) Alderdiaren Estatutuak eta erregelamenduak ofizioz edo alde batek eskatuta interpretatzea.
- b) Sortzen diren barne-gatazketan bitartekari eta epaile gisa jardutea.
- c) Planteatzen diren errekursoak (diziplinaren eta afiliazioaren arlokoak bereziki) ebaztea.
- d) Alderdiaren Kode Etikoa betetzen dela ofizioz edo alde batek eskatuta zaintzea.

54. artikulua

Bermapide Batzordeko lehendakaria batzordekideen artean aukeratu beharko da. Batzordekideen artean adostasunik izan ezean, Batzar Nagusiak egingo du izendapena.

Bermapide Batzordea beharrezkoa den aldi guztietan bilduko da, eta deialdia lehendakariak egingo du. Erabakiak gehiengoz hartuko dira.

Bermapide Batzordearen ebazpenen aurka ezin izango da errekurtsorik jarri.

Batzar Nagusiak Bermapide Batzordearen funtzionamendua arautu ahal izango du.

III. ATALA. HIRI ORGANOAK

55. artikulua

Hiri Erakundea oinarrizko lurralde-organoa da, eta horri atxikitzen zaizkio inguru horretan bizi diren alderdikideak. Salbuespen gisa, eta interesdunak eskaera arrazoitua egin ondoren, Antolakuntza, Finantza eta Hauteskunde Gaietarako Idazkaritzak Hiri Erakunde baten eremuan bizi ez den pertsona baten afiliazioa onartu ahal izango du, betiere Hiri Erakunde horri entzun ondoren.

Non bizi diren kontuan hartu gabe, zinegotziak ordezkatzan duten udalerriko Hiri Erakundekoak izango dira, eta, kargu publikoa betetzen duten aldian, Hiri Erakunde horretara aldatu beharko dute afiliazioa, ondorio guztietarako.

Ezein alderdikide ezin da izan Hiri Erakunde bat baino gehiagoko kide aldi berean.

56. artikulua

Hiri Erakunde bat eratzeko, hamar alderdikide beharko dira gutxienez. Udallerri batean Hiri Erakunderik ez badago edo Hiri Erakundea eskatutako alderdikide kopurua osatzeko jenderik ez zegoelako desegin bada, alderdikideek eskualde bereko beste Hiri Erakunde batean emango dute izena, behin-behinean eta euren borondatez. Hori egin ezean, Antolakuntza, Finantza eta Hauteskunde Gaietarako idazkariak, hilabete bateko epean eta eskualdeko ordezkariari entzun ondoren, eskualde bereko beste Hiri Erakunde batera adskribatuko ditu alderdikide horiek. Aldez aurretik, Hiri Batzorde Eragileari eta Lurraldeko Koordinazio Batzordeari jakinaraziko die neurri hori hartu izana.

57. artikulua

Hiri Erakundea Hiri Batzarraren eta Hiri Batzorde Eragilearen bidez egituratuta dago.

HIRI BATZARRA

58. artikulua

Hiri Batzarra Hiri Erakundearen organo gorena da, eta eremu horretako alderdikide guztiek osatzen dute, deialdia behar bezala egin ondoren.

59. artikulua

Hiri Batzarrak koordinatzaile bat eta Hiri Batzorde Eragilea aukeratuko ditu bere kideen artean, Antolaketa Erregelamendu Nazionalari jarraiki.

60. artikulua

Hiri Batzarra Biltzar Nagusia egin eta hilabete bateko epean bilduko da. Alderdikiderik zaharrenak eta bi gazteenek osatuko duten Adin Mahaiak zuzenduko du bilera hasieran.

Batzarraren Mahaia eratu ondoren, Hiri Batzorde Eragilea aukeratzeko prozedura (Antolaketa Erregelamendu Nazionalan ezarritakoa) hasiko da.

61. artikulua

Hiri Batzarrerako deialdia Mahaiak egingo du, koordinatzaileak eskatuta. Ohiko Hiri Batzarra urtean lau aldiz bilduko da gutxienez, baita hauteskunde-lehia bakoitza baino hilabete lehenago ere. Halaber, udal-aurrekontuak onartu behar direnean egingo da Hiri Batzarrerako deialdia.

Gainera, ezohiko Hiri Batzarrak egingo dira, koordinatzaileak eta Hiri Batzorde Eragileko kideen gehiengoak eskatuta, edo gutxienez Erakunde horretan afiliatutakoen laurdenek idatziz eskatuta.

Deialdiaren eta Batzarraren artean, gutxienez zazpi egun igaroko dira. Ezohiko deialdiaren epea 48 ordu izango da gutxienez. Deialdian, aztertu beharreko gaien zerrenda agertuko da.

Antolaketa Erregelamendu Nazionalak aurkakoa dioenean izan ezik, erabakiak gehiengo soilez hartuko dira.

62. artikulua

Hiri Batzarraren funtzioak honako hauek dira:

- a) Alderdiaren jardun politikoa, ideologia eta programak bultzatzea eta zabaltzea, eta afiliazioa eta adiskide kopuruaren gehikuntza sustatzea. Horretarako, Hiri Batzarraren eskumena izango da Hiri Batzorde Eragileak proposatu beharreko plana onartzea.
- b) Hiri Batzorde Eragilea eta bertako koordinatzailea aukeratzeko, Estatutu hauei jarraiki.

- c) Udal Taldeko hautetsiak ez diren langileen izendapena eta kargu-uztea onartzea, Hiri Batzorde Eragileak proposatuta.
- d) Biltzar Nagusirako konpromisarioak aukeratzea, Estatutu hauei jarraiki.
- e) Hiri Batzorde Eragilearen eta udal-kargu publikoen jarduna kontrolatzea eta bultzatzea.
- f) Hiri Erakundearen kontuak eta finantzak onartzea, Alderdiaren Finantza Gutunean ezarritakoari jarraiki.
- g) Udal-hauteskundeetarako zerrendak lantzeko eta onartzeko prozesuan parte hartzea. Zerrenda horiek Batzar Nagusiak berretsi beharko ditu, hiriburuetako zerrendaburuen kasuan izan ezik. Zerrenda arauz ezarritako baldintzetan eta epeetan onartzen ez bada, Euskadiko Batzorde Eragilea automatikoki gaituta geratuko da Batzar Nagusiari hauteskunde-zerrenda bat proposatzeko, hark berrets dezan.
- h) Parte-hartzean oinarritutako prozesu baten bidez, udal-hauteskundeetarako programak onartzea, Alderdiaren organo nazionalak onartzen dituzten irizpide orokorrei jarraiki eta alderdikideen eta adiskideen parte-hartzearekin.
- i) Udal-taldeak udal-aurrekontuen inguruan hartutako erabakia onartzea.

63. artikulua

Udal-kargu publikoek beren kudeaketaren deskarguak egingo dituzte ohiko Hiri Batzar bakoitzean. Hiri Batzarrak dagokien jardun-eremuaren inguruko kudeaketa-deskargua egiteko eskatu ahal izango die udalaz gaindiko kargu publikoei.

HIRI BATZORDE ERAGILEA

64. artikulua

Hiri Batzarrak Hiri Erakundea zuzentzeko eta administratzeko aukeratutako organoa da Hiri Batzorde Eragilea.

65. artikulua

Hiri Batzorde Eragilea koordinatzaile batek eta hiru batzordekidek osatuko dute gutxienez, eta Hiri Erakunde horretako Gazte Abertzaleak taldeko ordezkari bat berezko kide izango da Batzordean.

Alderdiko alkatea edo udal-bozeramailea ere Hiri Batzorde Eragileko kidea izango da, eta hitza izango du, baina botorik ez.

Hiri Batzorde Eragileak, eratu ondoren, idazkaria eta diruzaina aukeratuko ditu kideen artean.

66. artikulua

Hiri Batzorde Eragilea bere funtzioak betetzeko beharrezkoa den guztietan bilduko da.

Antolaketa Erregelamendu Nazionalak aurkakoa dioenean izan ezik, erabakiak gehiengo soilez hartuko dira.

67. artikulua

Hiri Batzorde Eragilearen oinarritzko funtzioak honako hauek dira:

- a) Bere lurralde-eremuko politikan eta gizartean parte hartzea, Alderdiko organoek onartutako irizpideei jarraiki.
- b) Bere lurralde-eremuan Alderdiaren politika zabaltzea, aplikatzea eta defendatzea.
- c) Hiri Erakundearen jardun-eremuko gizartearen eta Alderdiaren arteko komunikaziogune izatea. Horretarako, eremu horretan egindako jardunen Memoria egingo du urtero.
- d) Hiri Erakundearen baliabide ekonomikoak administratzea, Alderdiaren Finantza Gutunean ezarritakoari jarraiki.
- e) Hiri Erakundeko alderdikideen eztabaida politikoa, parte-hartzea eta prestakuntza bultzatzea. Horretarako, sektore bakoitzeko gaiak aztertzeo batzordeak edo lantaldeak sortu ahal izango dira.
- f) Hiri Batzarraren eta Alderdiaren gainerako organoen jarraibideak betearaztea.
- g) Hiri Batzarrari Estatutuen arabera dagozkion tokiko kargu publiko guztien izendapena proposatzea.
- h) Tokiko kargu publikoen jardunaren jarraipena eta kontrola egitea.
- i) Alderdikideak eta adiskideak erakartzeko kanpainak sustatzea.

- j) Hauteskundeetako intendentzian laguntzea eta, horretarako, kanpainen esparruan egin daitezkeen hauteskunde-ekitaldiak antolatzea eta horietan parte hartzea; postaz edo notarioaren aurrean emandako botoak dagokion eremuan kudeatzea; eta hauteskunde-egunaren eta egun horretan izandako gorabeheren jarraipena eta kontrola egitea eta, horretarako, ahaldunak eta kontu-hartzaileak izendatzea.
- k) Tokiko hauteskunde-programetarako, udal-aurrekontuetarako eta Batzarrak bidezko hartzen dituen batzorde sektorialetarako parte-hartzean oinarritutako prozesuak bultzatzea.
- l) Hiri Batzarra ordezkatuz jardutea, Hiri Batzarrak eskatzen duenean.

68. artikulua

Alkartetxe bat baino gehiago dituzten Hiri Erakundeen barruan, Alkartetxeko Batzarrak eta Batzordeak sortuko dira.

Batza horiek Alkartetxe bakoitzari atxikitako alderdikideek osatuko dituzte, eta Alkartetxeko Batzordea eta bertako koordinatzailea aukeratuko dituzte batzarrean.

Alkartetxeko Batzordea, koordinatzaileaz gain, gutxienez 3 eta gehienez 7 batzordekideek osatuko dute. Alkartetxeko Batzordea Batzorde horri atxikitako Gazte Abertzaleak taldeko kide batek eta, hala badagokio, alkateak edo zinegotziak osatuko dute.

Hiri Erakunde bereko Alkartetxeekin hobeto koordinatzeko, Alkartetxeko Batzorde bakoitzak ordezkaritza bat izendatuko du Hiri Batzorde Eragilea osatzeko. Ordezkaritza horrek hitza izango du, baina botorik ez.

69. artikulua

Alkartetxeko Batzordeen ardura nagusiak honako hauek izango dira: beren eragin-eremuan Alderdiaren ideologia zabaltzea, alderdikideen eztabaida, prestakuntza eta parte-hartzea sustatzea, kokatuta dauden gizarte-ingurunearekiko komunikaziorako eta dinamizazio politikorako bide izatea, eta alderdikideei Alderdiaren instantziak hartutako erabakiei buruzko informazio egokia ematea.

Alkartetxeko Batzordeak Alkartetxeko Batzarrari emango dio, urtean behin, egindako jardunen berri.

IV. ATALA. ESKUALDEKO ETA LURRALDEKO KOORDINAZIO ORGANOAK

ESKUALDEEN KOORDINAZIOA

70. artikulua

Eskualde bakoitzean, bertako Hiri Erakundeetako alderdikideek koordinatzaile bat izendatuko dute bozketa bidez.

Eskualdea osatzen duten udalerrietan jardun politiko koordinatua bermatzea izango da koordinatzaile horren funtzioa.

Eskualdeko koordinatzaileak Lurraldeko Koordinazio Batzordeko berezko kide izango dira, eta hitza eta botoa izango dute.

LURRALDE BATZARRA

71. artikulua

Alderdiak Lurralde Historiko bakoitzean garatzen duen jardueraren eta lurralde-eremu horretako ordezkarien jardueraren jarraipen politikoa egiten duen organoa da Lurralde Batzarra.

72. artikulua

Lurralde Batzarra osatzen dutenak honako hauek dira:

- a) Dagokion lurraldeko Hiri Erakundeen Batzarrek aukeratutako ordezkariak (Hiri Erakunde bakoitzeko bat, eta 25etik gorako frakzioko beste bat). Nolanahi ere, Lurralde Batzarrak proportzio hori egokitu ahal izango du, arauz ezarritako moduan eta lurralde bakoitzeko errealitatean oinarrituta.
 - b) Lurraldeko Koordinazio Batzordeko kideak.
 - c) Lurraldeko Erakundearen barruko Hiri Erakundeetan afiliatuta dauden Batzar Nagusiko kideak.
 - d) Dagokien eremuko hautetsiak eta izendapen askeko karguak.
 - e) Gazte Abertzaleak taldeko ordezkari bat.
- a) idatz-zatian adierazitako kideek baino ez dute botoa emateko eskubidea izango.

73. artikulua

Lurralde Batzarra Biltzar Nagusia egin eta bi hilabeteko epean bilduko da. Alderdikiderik zaharrenak eta bi gazteenek osatuko duten Adin Mahaiak zuzenduko du bilera hasieran.

Mahaia eratu ondoren, Batzarrak lurralde-ordezkaria aukeratuko du bertako kideen artean. Idazkari hori Euskadiko Batzorde Eragileko kidea izango da, eta Alderdiaren jarduera politikoa lurraldean koordinatzeko eta egituratzeko funtzioa beteko du.

74. artikulua

Lurralde Batzarrerako deialdia lurralde-idazkariak egingo du. Ohiko Lurralde Batzarra urtean bi aldiz bilduko da gutxienez, baita hauteskunde-lehia bakoitza baino hilabete lehenago ere.

Gainera, ezohiko Lurralde Batzarrak egingo dira, idazkariak eta Lurraldeko Koordinazio Batzordeko kideen gehiengoak eskatuta, edo gutxienez Batzarreko kideen herenek idatziz eskatuta.

Deialdian gai-zerrenda agertuko da, eta gutxienez 15 eguneko epea izango da deialdia egiteko, aparteko larrialdiko arrazoen kasuan izan ezik. Arrazoi horiek Batzarreko kideen gehiengo absolutuak onartu beharko ditu.

Antolaketa Erregelamendu Nazionalak aurkakoa dioenean izan ezik, erabakiak gehiengo soilez hartuko dira.

75. artikulua

Lurralde Batzarraren oinarrizko funtzioak honako hauek dira:

- a) 77. artikuluan adierazitako Lurraldeko Koordinazio Batzordeko batzordekideak eta idazkaria aukeratzea.
- b) Alderdiaren jardun politikoaren esparruan lurraldeko koordinazioa eta egituraketa bultzatzea.
- c) Batzar Nagusiari eremu nazionalean hartutako erabakiak eta ebazpenak lurralde bakoitzak dituen berezitasunetara egokitu daitezen proposatzea.
- d) Batzar Nagusiari bere eskumeneko hauteskunde-eremuetarako programak proposatzea, Alderdiaren egitura nazionalak kasu bakoitzean ezarritako irizpide orokorre jarraiki.
- e) Lurraldeko Koordinazio Batzordearen kudeaketa onartzea edo gaitzestea.
- f) Goragoko organoetatik jasotako arauak, erabakiak eta jarraibideak betetzea.
- g) Alderdiaren organo nazionalai Alderdiaren mesederako eta funtzionamendu egokirako izan daitezkeen gai guztiak proposatzea.

LURRALDEKO KOORDINAZIO BATZORDEA

76. artikulua

Lurraldeko Koordinazio Batzordea Alderdiaren eta haren ordezkarien jarduera lurralde-eremuan koordinatzen, dinamizatzen eta horren jarraipena egiten duen organoa da, organo nazionalak emandako jarraibide sektorialeiei eta estrategikoei jarraiki.

77. artikulua

Lurraldeko Koordinazio Batzordea lurralde-idazkariak, eskualdeetako ordezkariak eta hiru, lau edo bost batzordekidek osatuko dute, Idazkaritza Nagusiek onartzen dituzten Lurralde Idazkariordetzak aparte utzi gabe.

Lurraldeko Koordinazio Batzordeko kideak izango dira, halaber, diputatu nagusia edo foru-diputatu bat, Nafarroako Foru Komunitateko presidentea edo kontseilari bat, eta Batzar Nagusietako edo Nafarroako Foru Parlamentuko bozeramailea. Horiek guztiek hitza izango dute, baina botorik ez.

78. artikulua

Lurraldeko Koordinazio Batzordea hilean behin bilduko da gutxienez.

79. artikulua

EAREN antolamenduan, Internetarako eta teknologia berrietarako sarbidea duten eta baliabide horien bidez Alderdiaren dinamizazio politikoan parte hartu eta lagundu nahi duten alderdikide guztiek hartzen dute parte.

EA Sarean elkarteak antolatzeko eta jarduteko proposamen bat egingo dio urtero Batzar Nagusiari, hark onar dezan.

Gainera, antolamendu hori kontsultarako izango da teknologia berriei lotutako gai guztietan.

80. artikulua

Euskadiko Batzorde Eragileak EA Sarean elkarteko koordinatzailea izendatuko du. Koordinatzaile horrek honako funtzio hauek beteko ditu, besteak beste:

- a) EA Sarean elkartearen jarduerak bultzatzea, Alderdiaren ideologia zabaltzeko.
- b) Komunikazio eta Marketing Idazkaritzari Alderdiaren web-orriaren edukiak eta hobekuntzak proposatzea.
- c) Berri-taldeen sorkuntza eta zabalkundea bultzatzea.
- d) Alderdiaren barneko bizitza dinamizatzen lagunduko duten eztabaida-foroak abian jartzea.
- e) EAKo kargu publikoen arteko eta horien eta alderdikideen arteko eztabaida sustatzeko, eta ekimen politikoak eta erakunde-ekimenak proposatzeko sistemak ezartzea.
- f) Komunikazio eta Marketing Idazkaritzari parte hartzeko eta sare sozialak (web 2.0) erabiltzeko estrategia bat gara eta inplementa dezan eskatzea, Eusko Alkartasunaren proiektu politikoa eta soziala bultzatzen laguntzeko.

III. ATALBURUA.- KARGU PUBLIKOAK

81. artikulua

EAK aurkeztutako edo babestutako hauteskunde-zerrendetan hautatu dituzten edo Alderdiak erakunde publiko batean, organismo batean edo Administrazio Publikoaren mendeko enpresa batean izendapen politikoko karguak betetzeko proposatu dituen pertsonak –alderdikideak zein alderdikide ez direnak– dira EAko kargu publikoak.

82. artikulua

Kargu publikoen eskubideak honako hauek dira:

- a) Beren jarduera garatzen duten erakundearen EA publikoki ordezkatzea.
- b) Beren funtzioak betetzean EAren babesa jasotzea.
- c) Eraginpean hartzen dituzten erabaki edo txosten guztiei buruzko informazioa jasotzea.
- d) Beren jarduerarekin zuzeneko zerikusia duten gaiak eztabaidatu edo erabakiko diren Alderdiaren batzar eta bilera guztietan hitzarekin parte hartzea.
- e) Beren jarduera garatzeko Erakundearen laguntza teknikoa eta babesa jasotzea, kargua betetzearen ondoriozko arazoetan beharrezkoa den laguntza juridikoa barne.

83. artikulua

Kargu publikoen betebeharrak honako hauek dira:

- a) Alderdiaren Kode Etikoa ontzat hartzea eta betetzea.
- b) EArekiko jarrera zintzoa eta konpromisokoa agertzea eta karguaren berezko zereginak betetzea, erakunde-taldearen funtzioen banaketari jarraiki eta dagokien erakundearen argibideekin.
- c) Dagokien erakundeari beren jardunaren berri aldizka eta behar den garaian ematea, erakundeak eskatuta edo beren borondatez. Halaber, beren funtzioak eskatzen duenean, informazio hori herritarrei, oro har, ematea.
- d) Beren jarduerarekin zuzeneko zerikusia duten Alderdiaren batzarretara eta bileretara joatea. Halaber, Alderdiak deitutako ekitaldi publikoetara joatea, arrazoi justifikatuen kasuan izan ezik.
- e) EAren Finantza Gutunean finkatutako erregimen ekonomikoa errespetatzea eta betetzea.

- f) Kargua arauz eta antolamenduz dagokion organoaren, hautagai izendatu zuen organoaren edota izendapenaren arduradunaren esku uztea, horiek era adostuan eta arrazoituan eskatzen dutenean.

Aurreko idatz-zatietan adierazitako betebeharrak betetzen direla bermatzeko, kargu publikoak izenpetu beharreko dokumentu bat formalizatuko da. Dokumentu horretan, betebeharrak horiek zintzo betetzeko konpromisoa hartuko du kargu publikoak.

IV. ATALBURUA. DIZIPLINA ERREGIMENA

84. artikulua

Estatutuen eta alderdikideek bete beharreko erregelamenduen aurkako ekintzak eta ez-egiteak diziplinako arau-haustek dira.

85. artikulua

Hutsegite arinen, larrien eta oso larrien ondoriozko diziplina-espedienteak Euskadiko Batzorde Eragileak irekiko ditu. Horretarako, organo horrek bideratzaile bat izendatuko du bere Idazkaritzen artean, eta arauz ezarritako moduan bideratuko da. Diziplina-espedientearen bideratzaileak geroago ezin izango du parte hartu Euskadiko Batzorde Eragileak diziplina-espedientea ebazteko garaian hartu beharreko erabakien eta ebazpenen inguruko eztabaidetan eta bozketetan.

Diziplinaren arloko ebazpenen aurkako errekurtoa jarri ahal izango da Bermapide Batzordean.

Zigor-prozedura eta hutsegiteen eta zigorren tipifikazioa bakarrak izango dira Alderdi osoan, eta Batzar Nagusiak onartu beharko ditu.

Nolanahi ere, kanporatzea eta alderdikideei dagozkien eskubideak kentzea aldebiko prozeduren bidez baino ezin izango dira ezarri. Prozedura horietan, neurri horiek eragin dituzten gertakariei buruzko informazioa jasotzeko eskubidea, neurriak hartu aurretik entzunak izateko eskubidea eta zigorra ezartzen duen erabakia arrazoitua izateko eskubidea bermatuko zaizkie eraginpean hartutakoei.

86. artikulua

Nolanahi ere, honako hauek hartuko dira hutsegite oso larritzat:

- a) Alderdiaren Kode Etikoa urratzea.
- b) Edozein erakundetan Alderdiaren Taldea uztea.
- c) Kargu publiko bat betetzean Alderdiaren estrategia haustea.
- d) Nahitaezko baimenik gabe beste alderdi edo hauteskunde-koalizio baten hauteskunde-zerrendan txertatzea.
- e) Alderdiaren organo eskudunak esanbidez hartutako erabakiaren aurkako zentsura-mozio bat ontzat hartzea edo babestea, edota babesteari uko egitea.
- f) Alderdiaren, oro har, edo haren edozein organoren irudia eta sinesgarritasuna kaltetzen dituzten adierazpen publikoak egitea.

- g) Alderdia ordezkatzeko duten edo Alderdiak izendatu duten kargu publiko gisa erregelamenduaren arabera dagozkien ekarpenak ez egitea.

Hutsegite horietako edozein egitea gutxienez urtebeteko aldi batean afiliazioa etetearekin zigortuko da, eta Alderditik kanporatzeko zigorra ere jaso ahal izango da.

87. artikulua

Euskadiko Batzorde Eragileak diziplinaren arloan ematen dituen ebazpenen aurka errekurtsioa jarri ahal izango dute eraginpean hartutako alderdikide guztiek Bermapide Batzordean, hogeita hamar eguneko epean. Bermapide Batzordeak gehienez ere hiru hilabeteko epean eman beharko du ebazpena.

Bermapide Batzordearen ebazpenen aurka ezin izango da errekurtsorik jarri.

V. ATALBURUA. GAZTE ABERTZALEAK

88. artikulua

Gazte Abertzaleak EAren gazte-erakundea da, eta 31 urtetik beherako alderdikide guztiak afilia daitezke bertan. Erakundearen funtzio nagusia EAren gazteria-arloko politikak lantzea, zuzentzea eta koordinatzea da.

Gazte Abertzaleak taldeak bere egiten ditu EAren ideia politikoak, haren balioekin bat dator, eta balio horiek gazteen artean bultzatzeko konpromisoa hartzen du. Bi erakundeen arteko harremana bi Batzar Nagusiek horretarako onartuko duten protokoloan zehaztuko da.

Gazte Abertzaleak taldeak antolamendu-maila bakoitzean duen koordinatzailea edo arduraduna Alderdiaren maila bereko organoko berezko kide izango da.

VI. ATALBURUA. FINANTZA GUTUNA

89. artikulua

EAK, alderdi politiko gisa, erabateko ahalmen juridikoa eta jardutekoa du. Hortaz, bere helburuak lortzeko beharrezkoak diren ondasunak eta eskubideak eskuratu, erabili, administratu, errentan eman eta besterendu ahal izango ditu.

90. artikulua

EAREN ondasun eta eskubide guztiek eta etorkizunean edozein titulu dela-eta eskuratzen dituen guztiek osatuko dute Alderdiaren ondarea.

Ondare hori zatiezina da, eta Alderditik kanporatu izanak, Alderdian baja hartu izanak edo Alderdiko erakundeak desagertu edo desegin izanak ez du eskubiderik emango ondarearen kuotak jasotzeko, itzultzeko edo banatzeko, eskubide hori Alderdiarena baino ez baita izango.

91. artikulua

EAREN ogasuna honako hauek osatuko dute:

- a) Alderdiaren ondareak.
- b) Alderdikideen arauzko zein borondatezko kuotek.
- c) Ondarearen eta Alderdiaren berezko jardueren errendimenduek.
- d) Jasotzen dituen legezko dohaintzek, herentziek eta diru-laguntzek.
- e) Erregelamenduaren arabera kargu publikoei eta Legebiltzarreko, batzarretako eta udaletako taldeei dagozkien kopuruek.
- f) Alderdia erakundeetan egoteagatik sortutako diru-laguntza ofizialek eta diru-sarrerek.
- g) Alderdien finantzaketa publikoak.
- h) Legezko beste diru-sarrera batzuek.

92. artikulua

Kuota indibiduala alderdikideek EARI ekonomikoki eusteko egiten duten ohiko ekarpena da.

Ohiko kuota banku-helbideratzearen bidez ordainduko da, eta kuota hori, kobratzeko aldia eta Alderdiaren antolamendu-mailen artean banatzeko modua arauz finkatuko dira.

93. artikulua

Erakunde publikoetatik jasotako diru-laguntza edo ekarpen guztiak Antolakuntza, Finantza eta Hauteskunde Gaietarako Idazkaritzaren kontuan sartuko dira oso-osorik, eta hark Batzar Nagusiak Euskadiko Batzorde Eragilearen proposamenez ezartzen dituen irizpideei jarraiki erabiliko ditu; nolana ere, legez ezarritako araudia behar bezala bete beharko da.

94. artikulua

EAKo kargu publikoek –hautetsiek zein izendatuek– Alderdiaren finantzaketan parte hartu beharko dute, arauz ezarritako moduan.

95. artikulua

Alderdiaren baliabideak optimizatzeko helburuarekin –finantzen administrazioan jarraibide komunak aplikatu beharragatik, alderdikideen eta gizartearen aurrean gardenak izateko eskakizunagatik eta indarrean dagoen legeriara egokitzeko beharragatik–, EAK erakunde osoaren aurrekontu bateratua egingo du eta, horretarako, Alderdiaren antolamendu-maila guztien aurrekontuak batuko ditu.

Horretarako, Antolakuntza, Finantza eta Hauteskunde Gaietarako Idazkaritzak Alderdiaren urteko aurrekontua egingo du, eta Batzar Nagusiari aurkeztuko dio, hark aurrekontu-ekitaldiaren aurreko urteko abenduaren 31 baino lehen onar dezan.

Adierazitako Idazkaritzak, halaber, ekitaldi ekonomikoaren balantzea aurkeztuko dio Batzar Nagusiari, hark onar dezan, aurkezten den ekitaldiaren hurrengo urteko ekainaren 30a baino lehen.

Aurrekontua zein balantzea laburtuta argitaratuko dira urtero Batzar Nagusiko kideentzat. Halaber, kontsultatu nahi dituen edozein alderdikiderentzat eskuragarri egongo dira.

Kontuen Auzitegiak ikuskatu diren kontabilitateko egoera-orrien inguruan aldizka egiten duen txostena Batzar Nagusiko kideen eskura utziko da, baita haren berri izan nahi duen edozein alderdikideren eskura ere.

96. artikulua

EAK urteko Kudeaketa Planaren eredu bat ezarriko du, eta Antolakuntza, Finantza eta Hauteskunde Gaietarako Idazkaritza arduratuko da eredu hori egiteaz, kontrolatzeaz eta haren jarraipena egiteaz, Alderdiaren organo guztiekin lankidetzan.

97. artikulua

Alderdiaren egitura tekniko-administratibo osoa, giza baliabideak barne, Euskadiko Batzorde Eragilearen mende egongo da, Batzorde Iraunkorraren eguneroko kudeaketari dagokionez ezarritakoa aparte utzi gabe. Nolanahi ere, Antolakuntza, Finantza eta Hauteskunde Gaietarako Idazkaritzaren ardura izango da.

Alderdiaren edozein antolamendu-mailatako langileak kontratatzeko, indarrean dagoen lan-legerian ezarritako araei jarraitu beharko zaie, eta Euskadiko Batzorde Eragilearen onarpena beharko da beti, Antolakuntza, Finantza eta Hauteskunde Gaietarako Idazkaritzak txostena egin ondoren.

EAK beharrezko egitura tekniko-administratiboa eta giza baliabideak eduki beharko ditu funtzionatzeko. Horretarako, Euskadiko Batzorde Eragileak beharrezkoak diren neurriak hartuko ditu behar adinako baliabideak ez dituzten erakundeentzat.

LEHEN XEDAPEN IRAGANKORRA

Estatutu hauek onartzeak Alderdiaren organo guztiak ezarritako prozedurari jarraiki aukeratzeko prozesuak abian jartzea dakar.

BIGARREN XEDAPEN IRAGANKORRA

Biltzarra egin eta hiru hilabeteko gehieneko epean, alderdikideen eta Alderdiaren erakunde guztien betebeharrak ekonomikoen betetze-mailari eta horren inguruan hartu beharreko neurriei buruzko txosten bat egingo du Antolakuntza, Finantza eta Hauteskunde Gaietarako Idazkaritzak, Estatutu hauetan xedatutakoaren arabera.

HIRUGARREN XEDAPEN IRAGANKORRA

Estatutu hauek garatzeko egingo diren erregelamendu berriak onartu arte, aurretik indarrean zeudenak aplikatuko dira Estatutu hauen kontrakoa ez den orotan.

Sei hilabeteko gehieneko epean, Antolakuntza, Finantza eta Hauteskunde Gaietarako Idazkaritzak honako erregelamendu berri hauek aurkeztuko dizkio Batzar Nagusiari: Antolaketa Erregelamendu Nazionala, Erregimen Ekonomikoko Erregelamendua, eta Eskubideen, Betebeharren eta Diziplina Prozeduraren Erregelamendua.

LAUGARREN XEDAPEN IRAGANKORRA

Lau hilabeteko epean, Euskadiko Batzorde Eragileak Alderdiaren egitura administratiboari buruzko txosten bat egingo du, eta haren dimentsionamendu egokia proposatuko du, Batzar Nagusiak aztertu eta onar dezan.

LEHEN XEDAPEN GEHIGARRIA

Pertsona berak ezin izango du ezein kargu organiko bete segidako hiru agintaldi baino gehiagotan.

BIGARREN XEDAPEN GEHIGARRIA

Karguak meta ez daitezzen, bateraezintasun-erregimena arauz ezarriko da.

HIRUGARREN XEDAPEN GEHIGARRIA

Nafarroa Behereko, Lapurdiko eta Zuberoako alderdikideek, bertako egoera soziopolitiko berezia dela-eta, Lurraldeko Koordinazio Batzorde bakarra eratuko dute euren borondatez, Estatutu hauen arabera.

AZKEN XEDAPENEN ARTEAN LEHENA

Estatutu hauek Biltzar Nagusiaren Osoko Bilkurak onartzen dituenetik aurrera jarriko dira indarrean.

AZKEN XEDAPENEN ARTEAN BIGARRENA

Estatutu hauek honako arau, plan edo erregelamendu hauek garatuko dituzte gutxienez:

- Alderdiaren Kode Etikoak.
- Hizkuntza Normalizatzeko Planak
- Antolaketa Erregelamendu Nazionalak.
- Erregimen Ekonomikoko Erregelamenduak.
- Eskubideen, Betebeharren eta Diziplina Prozeduraren Erregelamenduak.
- Bateriaezintasun Erregelamenduak.

XEDAPEN INDARGABETZAILEA

Estatutu hauetan xedatutakoarekin bat ez datozen arau, erregelamendu edo xedapen guztiak indargabetuta geratuko dira.